



مشخت جلیله اسلامیه نک جریده رسمیه سیدر

شعبان المعظم ۱۳۳۴ [*]

عدو: ۲۶

آیدہ بر نشر اول نور

اوجہ خبی سنہ

صورتلری بالاده محرر اولمغه مقتضاسنه کوره ایفای معامله اولنمی خصوصنک تعیمیا
تبلیغه همت بیورلمسی بابنده امر واراده

ل ۲۵ شوال سنه ۱۳۳۴ و ل ۱۱ اغستوس سنه ۱۳۳۲



حاکمک برات شریفی

شروط معینه قانونیه بی حائر اولان بیروت ولایتی مرکز قاضیسی فضیلتلو سلیمان رشدی افندینک
حاکمک برات شریفنه نائلیتی حقنده مابین هایون جناب ملوکانه باش کتات جلیله سنه یازیلان
عرض تذکره سی صورتیدر :

قاضیلک شرائطی وقانون اساسینک سکسان برنجی ماده سننده محرر برات شریفک
صورت اعطاسی مبین ۷ رمضان ۱۳۳۲ و ۱۷ تموز ۱۳۳۰ تاریخی قانون موجبنه
فتوی امینی افندی حضرتلرینک ریاستی تحتند مقام ثناوری مستشاری وقاضی مسکر
ومجلس تدقیقات شرعیه رئیس و مدرسه القضاة مدیری افندیلر حضراتندن مرکباً تشکل
ایدن انجمن مخصوصجه اجرا قلنان تدقیقات وتحقیقات اوزرینه تنظیم ایدیلن مضبوطه
بیروت ولایتی مرکز قاضیسی فضیلتلو سلیمان رشدی افندینک معلمخانه نوابدن
مأذون اولوب مساک قضاده اون سنه بی متجاوز مدت حسن ایفای وظیفه
وخشودوی عمومی بی جلبه موفق اولدینی واققدار ولیاقته مالک ووثوق واعتماده مظهر
بولندینی بیانیله قانون اساسینک سکسان برنجی و ذکر اولنان ۷ رمضان ۱۳۳۲ تاریخی
قانونک ایکنجی ماده لری موجبجه قاضیلک ایچون تعیین اولنان شرائط واوصافی حائر
بولنان مومی الیه برات شریف اعطاسنه متفقاً قرار ویرلدیکی کوسترلمش وبوباده تنظیم
اولنان اراده سنیه لایحه سی لفاً عرض وتقدم قلنمش ایسه ده امر و فرمان مکارم بیان
حضرت پادشاهی نه و ایله شرفتمعلق بیوریلورایسه حکم عالیسنک اتقازینه مسارعت
اولنه جفی درکاردر اقدام .

۸ ذی القعدة ۱۳۳۴ و ۲۴ اغستوس ۱۳۳۲

شیخ الاسلام
موسی کاظم



اراده سنیه حضرت خلافتناهی بی مبلغ هاشم :

اشبو تذکره علیه مشیختناهی لری ملفوف اراده سنیه لایحه سیله برابر منظور عالی
بیوریلہ رق ذکر اولنان اراده سنیه لایحه سی امضای هایون ملوکانه ایله بالتوشیخ لفا
اعاده قلمش اولغله امر و فرمان حضرت ولی الامر کدر .

۱۰ ذی القعدة ۱۳۳۴ و ۲۶ اغستوس ۱۳۳۲

سرکاتب حضرت شہریاری

علی فواد



اراده سنیه :

قانون اساسینک سکسان برنجی و ۷ رمضان ۱۳۳۲ تاریخلی قانونک ایکنجی ماده لری
موجبجه شروط معینہ بی حائر بولنان بیروت ولایتی مرکز قاضیسی سلیمان رشدی اقدی به
حاکمک برات شریفی اعطاسنه مأذونیت ویرلشددر .
بواراده سنیه نک اجراسنه مقام مشیخت مأموردر .

۱۰ ذی القعدة ۱۳۳۴ و ۲۶ اغستوس ۱۳۳۲

محمد رشید

شیخ الا-لام
موسی کاظم



برات شریف صورتی



صانع اکوان جلالت و واضع میزان عدالت خالق اعظم و معبود معظم تعالی و تقدس
حضرتلری مجله کائناتک شیرازه انتظامی اولان عدلی امر و فرمان و نبی حکیم خدا
در یتیم فصحا علیه اعلی التحایا اقدمز حضرتلری عدالتک قدر بالاترینی کوهر کزین
یلاغتلہ توضیح و بیان بیورمش و بشریتک رفاه و سعادتق نعمت عدل ایله حاصل

وسالکين شاهراه عدالتک صدر بلند اجر وسعده واصل اوله جنی درکار بولنش
اولوب سنکه بیروت ولایتی مرکز قاضیسی اقضی قضاء المسلمین واولی ولایة الموحدين
معدن الفضل والیقین مولانا سلیمان رشدی اقدی زاد الله تعالى فضائله سک بولندیغک
سلك قضاءه ابراز کمال رويت ولياقت و وثوق واعتماد عامه یه مظهریت ايله ممتاز وشایسته
توقیر و اعزاز بولندیغک حیثیتله بالفعل شیخ الاسلام ومفتی الانام اولوب مرصع
مجیدی نشان ذیشاننی حائز و حامل اولان اعلم العلماء المتبحرين افضل الفضلاء المتورعين
ینبوع الفضل والیقین مولانا موسی کاظم اقدی ادام الله تعالى فضائله نک تلخیصی
اوزرینه قانون اساسیمزک سکسان برنجی و بیک اوچ یوز اوتوز ایکی سنه سی رمضان
المبارکنک یدنجی کونی تاریخلی قانون هایونمک ایکنجی ماده لر ی حکمنه توفیقاً بو برات
شریفی ویردم و بیوردم که مسلك نزه عدل وحقانیتده دائم و قانون اساسیمزک
مار الذکر سکسان برنجی ماده سندده معین حقوق و امتیازاته نائل اوله سک حرر فی اليوم
العاشر من شهر ذی القعدة الشریفه لسنة اربع و ثلثین و ثلثمائة و الف



توجیهات علمیه

منحل بولنان بصری اسکی شام قضاسی قاضیلکنه ینبع البحر قضاسی قاضیسی علی
توفیق اقدی نقلاً تعین اولنمشدر

بو اراده سنیه نک اجراسنه مقام مشیخت مأموردر .

۳ رمضان ۱۳۳۴ ۲۱ حزیران ۱۳۳۲

محمد رشید

شیخ الاسلام
موسی کاظم